



Sámi allaskuvla

Sámi University of Applied Sciences

OAHPPOPLÁNA

Osku ja eallinádddejupmi Sámis 1

15 oahppočuoggá

Giela, duoji, boazodoalu ja servodatdiehtagiid goađi jođiheaddji dohkkehan mearrádusnotáhtain 14.5.2018 Dutkan- ja oahppostivrra áššiid DOS 89/13 ja DOS 26/18 vuodul. Public áššenummár: 18/00213. Ođastuvvon goahtejođiheaddji mearrádusnotáhta bokte 16.04.21, Public áššenr. 21/00080-8.

1. OAHPPPOVTTADAGA NAMMA

Sámegillii: Osku ja eallínáddejujumi Sámis 1

Ruotagillii: Tro och livstolkning i Sápmi 1

Dárogillii: Tro og livstolkning i Sápmi

Engelagillii: Faith and view of life in Sápmi 1

2. OPPALAŠ DIEĐUT OAHPU BIRRA

- **OAHPPPOVTTADAGA KODA:** OSK 1001
- **VIIDODAT:** 15 oahppočuoggá
- **OAHPU LÁGIDEAPMI:** Oahppu lágiduvvo deaivvademiid bokte. Ohppui gullet logaldallamat, seminárat ja studeanttaid barggut. Deaivvademiid gaskkas sáhtta neahttaoahpahus lágiduvvot

3. OAHPU GULLEVAŠVUOHTA

Oahppu sáhtta dohkkehuvvo oassin iešguđetge bachelorprográmmain, omd. doarjjafágan/válljenfágan.

4. SISABEASSANGÁIBÁDUSAT

Dábálaš sisabeassangáibádusat alitoahpahussii. Sisabeassanvuodđu sáhtta leat juogo oppalaš lohangelbbolašvuolta (čadahan joatkkaskuvlla/logahaga) dahje reálagelbbolašvuolta.

5. OAHPAHUSGIELLA

Oahpahus lágiduvvo davvisámegillii, muhto logaldallamat sáhttet leat eará Skandinávalaš gillii dehe engelagillii. Oahppu lágiduvvo dainna lágiin ahte dan galget sáhttit čadhit sihke davvisámegiela ja skandinávalaš giela studeanttat. Studeantabarggut ja eksámenbarggut sáhttet čállojuvvo juogo sámegillii, skandinávalaš gielaide dahje engelagillii.

6. SISDOALLU

Oahppu addá váldodieđuid Sámi oskku historjjá birra. Historjjálaš oasis adno dehálaččamussan oažžut ovdan sámi servodatdiliid ja doaibmaovddideaddji olbmuid. Dás addojit vuodđodieđut árbevirolaš sámi oskku ja sámi girkohistorjjá birra dan muddui go leat čálalaččat ovdanbuktojuvvo. Addojuvvojit maidái vuodđodieđut fápmodiliid birra mat leat leamaš doaimmas iešguđet áiggiid.

7. OAHPPANJOKSOSAT

Manjel čadahuvo oahpu galgá studeanta olahan čuovvovaš oahppanjoksosiid:

Studeanta

- máhtta čilget vuđoleamos osiid sámi oskkuhistorjjás
- diehtá sámi girko- ja risttalašvuodahistorjjá guovddáš sámi doaibmaovddideaddji olbmuid

- diehtá Leastadiusa doaimma ja dan teologiiija maid son ovdánahtii, ja vel makkár mearkkašupmi dain lei dain guovlluin gosa olii
- diehtá friddjagirkuid dahkamušaid ovddit čuohtejagis ja erenoamážit go geahččá 1900-logu álggu sámi organiserema
- lea ožžon vuodu dasa ahte máhttit smiehttat movt dutkama olis adnojit doahpagat das go lea sáhka Sámi oskkolašvuoda birra
- diehtá Sámi miššuvdnahistorjjá ja makkár iešguđetlágán váikkuhusat dain ledje sámi servodagain
- diehtá movt girku ja eiseváldiid áirasat ja sámi báikegottiid olbmot doibme gaskaneaset, ja makkár fápmodilit ja dulkoma ovdaletvuodát ledje doaimmas iešguđet áiggiid
- diehtá movt jurddavierut nugo nállebiologiija ja sosiáladarwinisma leat báidnan maŋemus čuohtejagi go geahččá girku ja risttalašvuoda dahkamušaid ja muđui dan makkár váikkuhusat ledje sámi servodagaide

Obbalaš gelbbolašvuoha:

Studeanta

- sáhhtá searvat ságastallamiidda mat gusket Sámi oskkolaš historjái ja máhtttá čilget iešguđet perspektiivvaid
- diehtá doahpagiid mat adnojit dán fáttá dutkamis ja máhtttá árvoštallat daid moaitevaččat maddái
- máhtttá čilget daid stuorit diskurssaid mat leat Sámi oskkolašvuoda historjjá siste

8. OAHPAHAN- JA OAHPPANVUOGIT

Oahpahus lágiduvvo sihke logaldallamin, joavkobargun, semináran ja bagadallamin. Vurdojuvvo ahte studeanttat oassálastet aktiivvalaččat lágiduvvon oahpahussii. Sáhtttá leat neahttaoahpahus.

9. GÁIBÁDUSAT BEASSAT EKSÁMENII

Gáibádus beassat eksámenii lea

- Dohkkehuvvon bargogáibádus. Oahpus lea guokte bargogáibádusa. Bargogáibádusat sáhhtet čađahuvvot njálmmálaččat dahje čálalaččat.
- Leamaš unnimus 80 % fárus oahpahusas go leat deaivvadanvahkut

10. EKSÁMEN

Guovtti vahku čálalaš ruovttueksámen. Čállosa guhkkodat galgá leat 6 – 10 siidu.

Studeanta beassá válljet ovtta golmma addojuvvon gažaldagas.

Eksámen árvoštallojuvvo oktasaš árvosániin ECTS-vuogádaga mielde, mas buoremus árvosátni lea A ja vuolimus ceavzinárvosátni lea E. F árvosátni mearkkaša ahte ii leat ceavzán.

11. LEA GO PRIVATISTTAIN VEJOLAŠ VÁLDIT DÁN FÁGA/FÁTTÁ?

li leat.

12. KVALITEHTASIHKKARASTIN

Čujuhuvvo Sámi allaskuvlla kvalitehtasihkkarastinvuogádahkii ja dasa makkár vejolašvuodát ja geatnegasvuodát studeanttain lea árvoštallat Sámi allaskuvlla oahppofálaldagaid ja bálvalusaid kvalitehta.

Studeantadásis oahppu árvoštallojuvvo evaluerenčoahkkimis ja studeanttat devdet árvoštallanskovi oahpu loahpahettiin. Ásahusdásis oahppu árvoštallojuvvo studeantaárvoštallamiid, eksámenraporttaid, sensorraporttaid ja fágareportta vuodul.

13. LOHKANMEARRI

Lohkanmearri dohkkehuvvo sierra.